

Mtenda hutendwa



Kijitabu hiki kimetayarishwa na watendaji wa Tamasha kwa
kushirikiana na Twaweza.

Waandishi:
Richard Mabala na Churchill Shakim

Mchoraji:
Daniel Mzena

Wahariri:
Justice Rutenge na Evarist Kamwaga, Twaweza

Usanifu:
Churchill Shakim

©Tamasha/Twaweza - 2013



Barua:
TAMASHA
S.L.P. 15044, Arusha, Tanzania

Simu: +255-714-661-544
Baruapepe: vtamasha@gmail.com
general@tamashavijana.org
Wavuti: www.tamashavijana.org

Unaruhusiwa kunakili sehemu yoyote ya kijitabu hiki kwa
sababu zisizo za kibiashara tu. Unachotakiwa kufanya ni
kunakili chanzo cha sehemu uliyonakili nakutuma nakala
mbili kwa Tamasha.

Utangulizi

Mara nyingine suala la maji sio rahisi kivile. Maji huweza kusababisha mgogoro kama hayatoshi. Mara nyingine pia, matumizi ya kikundi kimoja yanahatarisha maisha au ustawi wa kikundi kingine. Hali hii inaonekana wazi kwenye mto ambao unapita kwenye jamii nyingi. Iwapo jamii fulani inachafua mto kwa sababu ya kuutumia kama choo, au kunywesha wanyama wao au kufulia humohumo, jamii zinazofuata zinaweza kuathirika, hasa upande wa magonjwa. Na ni rahisi pia kwa jamii inayolalamika kuchafuliwa maji yao kusahau kwamba inachafua maji kwa wale walioko mbele zaidi. Je, ni jukumu la nani kulinda vyanzo vya maji na kuhakikisha kuwa watu wanapata maji safi na salama? Tujifunze zaidi kupitia hadithi hii.

Usisahau, ukitenda leo, utatendwa kesho.

Richard Mabala
Mkurugenzi, TAMASHA

Wahusika



Bonge

Mjasiriamali, mchambuzi wa mambo
na mkereketwa wa maendeleo



Bibiye

Mwelimishaji rika, mchambuzi na mwanaharakati



Mwenyekiti

Kiongozi anayesikiliza na kuheshimu vijana. Mpenda
maendeleo lakini anaamini zaidi msaada kutoka nje
kuliko nguvu ya wananchi



Mtendaji

Mchapakazi lakini mrasimu. Hapendi vijana na azma
yao ya kuchukua hatua wenyewe




Hii adha ya kila siku, watu tunaogua tu matumbo.

Ni maji haya tunayokunywa. Hayafai kabisa.



Si wale wa kijiji cha juu! Wanadiriki hata kujisaidia humo-humo! Tunakunywa mikojo yao.



Tena hawana haya.
Halafu wanajozana
kwenye zahanati yetu
kutumaliza dawa.

We... dawa ni kwenda
kuwaharibia na wao
waone uchungu wake.

Sawasawa. Wape
vidonge vyao maana
Mwenyekiti wetu bure
kabisa. Kazi kunyamaza
tu.

Tuwachafuлие na
wao sasa wapate
raha yake.

Tumechoka
kulishwa kinyesi
chao. Aaaaah!

Watakoma.
Kumbe mtenda
hutendewa. Ala!



Nyie mrafanya nini
hapa? Acheni
kutuchafulia mto
wetu.

Hee, kwani karaha
mnayotuletea nyie
hamuioni?

Ndiyooo! Mkuki
kwa nguruwe...
halo halo!






Kila siku mnatuchafulia
maji tunaugua matumbo,
sasa na nyie muone
raha yake.








Mbona mmerudi ndoo tupu?

Ni hao majirani wametupiga.

He! lazima tulipize kisasi!
Haiwezekani waumize
mama zetu.





Hebu punguzeni munkari.
Moto hauzimwi kwa
moto.

We ndio bure
kabisa. Tumelalamika
mara ngapi?

Unamwogopa yule mtendaji
wako. Yeye pia hawezi
kazi.


Tuna kikao cha dharura
cha kamati ya Ulinzi
na Usalama saa tisa.



Msiongee
peke yenu. Na
sisi tuwemo.

Sawiasawa.
Chagueni vijana
watatu.






Je mnataka watu
wa kijiji cha chini
nao waanzishe
vita na sisi?

Acha uzushi wako.
Nataka kuwaita
askari wa ulinzi
kutoka wilayani.

Ili watupige sote
Rungu halitatu
tatizo.



Ni kweli. Ngoja niende
kuongea na vijana
wenzetu kule. Kisasi
cha nini?

No no no,
ni hatari sana.



Tunataka vita kweli? Kwa nini vijana wa pande zote tusitembelee mto pamoja?

Ni kweli Bonge. Nakujua na mimi pia naweza kuwashawishi vijana wa hapa.



Basi mpango ndio huo.







Itabidi kwanza tuweke
mkakati wa kulinda
vyanzo vya maji pamoja
na mto.

Sawa kabisa. Tukae na
uongozi wa kata, tuunde
kamati ya mto. Kisha
tupewe nguvu na sheria
ndogondogo.

Ora hapa miti yote imekatwa.
Muda si mrefu patakuwa janguwa.
Ni nani hao wanaolima ndani
ya mto kabisa?



Ohoo, naona sasa
unataka kuingilia
kila kitu. Bila
kulima nitaishije?

Kumbe ni wewe!
Tulia bwana.
Twataka kila mtu
ajikimu bila
kukomoa.




Watu chafulie hii hivi.
Lazima wapate adhabu.

Mtendaji, tunaomba
tuingie katika kamati
ya mto.

Ninyi ni nani? Kamati
imechaguliwa tayari.

Siku zote ilikuwawa wapi mpaka
maafa yanatokea? Na bado
mnagombana.



Vijana wamesema kweli.

Vijana hao wamenikumbusha mbali. Tulipokwaa vijana ilikuwa kazi yetu. Tuliheshimu nito ndio maana nao ulituheshimu.

Tukipata mfadhili,
nyinyi vijana mtaweza
kufanya kazi ya
kusafisha mto.

Hakuna cha mfadhili
tena. Ni jukumu letu
wenyewe. Mabadiliko
ni sisi.



Na karibu kwenye
mechi ya ujirani
mwema kati ya
vijana.

Unaona. Ukiweka hiki
kidonge kwenye maji,
yanasafishika vizuri sana.

Mbona
ghali?

MAJI SAFI
TUMBO SAFI

GOOOOOO

Dawa ya hospitalini ghali zaidi.
Bora kinga kuliko tiba.

Je wajua?

- Watu wengi, hasa watoto na wazee, wanaathirika na ugonjwa wa kuharisha na magonjwa mengine mengi yanayotokana na kunywa maji yasiyo salama.
- Hii ni kwa sababu karibu nusu ya watanzania hawapati maji kutoka vyanzo vilivyoboreshwa vilivyoko karibu na wanakoishi.
- Vyanzo vilivyoboreshwa ni kama maji ya bomba, au visima vilivyofunikwa. Ni salama kwa sababu vinazuia uchafu usiingie kwenye maji
- Hata kama chanzo cha maji ni salama, uchafu mara nyingi huingia kwenye maji wakati wa kuyachota au kuyahifadhi. Ni muhimu kusafisha maji.
- Si rahisi kusafisha mto au ziwa au kisima ambacho kimeshachafuliwa. Ni rahisi zaidi kusafisha maji nyumbani, kwa mfano kwa kuchemsha, kuweka dawa ya Water Guard na njia zingine zinazoelekezwa na wataalamu.
- Kutumia dawa na njia zingine rahisi kunapunguza sana gharama ambazo zingetumika kutibu magonjwa yanayoletwa na unywaji wa maji yasiyo salama.
- Vyama vya watumiaji maji ndio vyenye jukumu la awali la kuzuia uchafuzi wa maji. Vyama vya pamoja vitaunda Kamati za Maji za Mito na kutoa wawakilishi kwenye Bodi za Mabonde Madogo. Pamoja na kazi nyingine hizi Kamati na Bodi zina wajibu wa kutatua migogoro. Halmashauri nayo itashiriki kikamilifu katika Bodi za Mabonde Madogo.



Tufanyeje?

Jukumu la kulinda na kuendeleza vyanzo vya maji ni letu sote.

- a) Maji ni rasilimali kwa ajili ya watu wote. Tulinde maji pamoja kwa kuunda vikundi vya watumiaji wa maji. Kama tunaishi kandokando ya mto basi tuhimize matumizi sahihi kwa faida ya wote mtoni. Tusiwaruhusu waharibifu wahatarishe maisha yetu.
- b) Tuunde vyama vya watumiaji maji na kuhakikisha kwamba vinaaunda Kamati za Maji za Mito.
- c) Tutumie maji yaliyo salama. Kwa pamoja tuchemshe maji au tuwahimize wenye maduka karibu yetu kuhakikisha dawa ya WaterGuard au dawa nyingine ya kufanya maji yawe safi na salama inauzwa kwenye maduka yao. Watapata faida, lakini pia watakuwa wamesaidia jamii kupambana na magonjwa.

Je, umewahi kufanya jambo lolote la kishujaa kama Bonge na Bibie?

Au unamfahamu mtu mwingine aliyefanya kitu cha kipekee kuisaidia jamii yake?

Kama jibu ni ndiyo, tungependa utusimulie!

Tafadhali tutumie hiyo stori yako iliyoleta mabadiliko hapo unapoishi au iliyotokea mahali pengine.

Tunaweza kuitumia stori yako kuandaa vijitabu au vipindi vya Televisheni na redio ili kuelimisha wengine. Usikose kutumia fursa hii!

Anuani:

Barua: Twaweza-Shujaa, S.L.P 38342, Dar es Salaam

Barua-pepe: shujaa@twaweza.org

Simu: Tuma ujumbe mfupi (SMS) bure ukijumuisha neno SHUJAA kwenda **namba 15381**